

„თეოლოგიის განვითარება უჭირავს წმინდათა სჯილის ყოველგვარ სიღრმეში... ყოველი სჯილი უნდა დაინახოს, იგი ყოველგვარ სიღრმეში... ყოველი სიღრმეში, რომელიც უნდა იქნას დაინახოს, ნაწილი-ნაწილია ანთის დაყოფის, რომ შეიძლოს და სიღრმეში ავიწიოთ იგი.“

# სობის მოამბე

№2 (7105) 7 მარტი, ხუთშაბათი, 2019 წელი. ღირსი 0,70 ლარი.

სობის მენეჯერების გეგმიური მრგვალი

## 3 მარტი გაზაფხულის დღესასწაულს 8 მარტი გილოცავთ!



ძვირფასო ქალბატონებო, დედებო! გილოცავთ დედის დღეს-3 მარტსა და ქალთა საერთაშორისო დღეს-8 მარტს!

მთელი ჩვენი ისტორია საქართველოს ქალების, დედების სათნოების, გმირობის, თავდადების და გამძლეობის მაგალითი იყო და ასეა დღესაც.

ყველა დედას ეხაროს შვილების ბედნიერებით. ეს ლამაზი დღესასწაულები ემთხვევა გაზაფხულის პირველ დღეებს, დროს, რომელიც ახალ იმედებთან და სილამაზესთან ასოცირდება. ყველა ქალს ვუსურვებ სიყვარულს, უღებ ღიმილსა და ბედნიერებას.

აღსანიშნავია თქვენი წვლილი ქვეყნის განვითარებისა და კეთილდღეობისთვის ბრძოლაში. ქართველი ქალი ოდითგან გმირობის, თავდადებისა და გამძლეობის მაგალითად ითვლებოდა. დღეს კი თანამედროვე საზოგადოებაში ქალის როლი კვლავ მნიშვნელოვანია. ჩვენ ერთად შევქმნით თანასწორ და სამართლიან საზოგადოებას.

ირაკლი (დაჩი) ბარია,

საქართველოს პარლამენტის სობის მართლმადიდებელი დეპუტატი.



ძვირფასო დედებო, ქალბატონებო! გილოცავთ გაზაფხულის ლამაზ და მშვენიერ დღესასწაულებს.

ქალს განსაკუთრებული როლი აქვს სახელმწიფოსა და საზოგადოების განვითარების საქმეში. საქართველოს მრავალსაუკუნოვანი ისტორია ქართველ ქალთა გმირობისა და თავდადების უცუარი მოწმეა. ეს ტრადიცია დღესაც გრძელდება, ქალები კვლავაც დგანან ჩვენი სამშობლოს ერთიანობისა და სიძლიერის სადარაჯოზე.

ქალბატონებო, გისურვებთ ჯანმრთელობას, დღეგრძელობას, უღებ სიხარულს და წარმატებებს პირად და საზოგადოებრივ საქმიანობაში.

გორა ქაჩია,

სობის მენეჯერების გეგმიური მრგვალი.



ქალბატონებო!

გილოცავთ ქალთა საერთაშორისო დღეს. გისურვებთ გაძლიერებას, ყარიერულ წინსვლას და ჯანმრთელობას. ფასდაუდებელია თქვენი წვლილი ჩვენი ქვეყნის დემოკრატიული განვითარების, საყოველთაო კეთილდღეობის მშენებლობის პროცესში. ქალთა საერთაშორისო დღეს განსაკუთრებით მინდა ხაზი გავუსვა თქვენი უფლებების დაცვის პრიორიტეტულობასა და მნიშვნელობას.

ძვირფასო ქალებო და გოგოებო, მინდა გისურვოთ მეტი შესაძლებლობები, ყოველგვარი წინააღმდეგობების მარტივად დაძლევა და თავისუფალ, ჰარმონიულ გარემოში ცხოვრება!

ადიშარ ჯობაძე,

სობის მენეჯერების საკრებულოს თავმჯდომარე.

ქალი-ქალია და...  
ქალი-აპრილია...  
მარტს ვერ შევადარებ-  
მარტო მაჰატი...  
მარტომ გადავწყვიტე  
ქალზე საუბარი,  
მარტომ, -ათას ერთი  
ქალის მოსაუბრედ...  
ქალი-ქალია და...  
ისე ნუ უყურებთ,  
თითქოს უსუსური

მინდვრის ტერწამია...  
აბა, სხვამ რა იცის,  
ქალი რასაც იტყვს,  
ქალებს ცრემლისფერი  
სევდა გვაბარია.  
ქალი-დედაა და...  
ხელს ნუ მოუღერებთ...  
ქალებს  
ღვთისმშობელის

### ქალი...

ქალთა გვაფარია...  
ხშირად თქვენ ვერ  
ხვდებით-როგორ  
გაგიმართლათ,  
ქალი ბრძოლის  
ველზე  
რეინის ფარ-ხმალია...  
ქალებს სინატიფეს  
ნუღარ შემოგვაცვლით,  
ქალი-აპრილია...

ქალი-დაგამშვენებს...  
მაგრამ, თუკი ქალმა  
ხელი ჩაიქნია-  
ნახავ, სისასტიკე  
ქვიზად აგამტკერებს!..  
ქალი-ქალია და...  
ქალი-შემოქმედი...  
ქალი უფლის ყარზე,  
ცრემლად  
გულმღულარე...  
ქალებს  
გაუფრთხილდით,

აპრილს ნუ  
დააჭენობთ!...  
გრძნობის  
გაზაფხულებს  
კრძალვით  
მოუარეთ!...  
ქალი-ქალია და...  
ქალი-აპრილია...  
მარტს ვერ შევადარებ,  
მარტო მაჰატი!..  
ია ნანეიშვილი.

# ჩვენს მუნიციპალიტეტში



## ნობის მუნიციპალიტეტის საკრებულოს სხდომა

ნობის მუნიციპალიტეტის საკრებულოს სხდომათა დარბაზში გაიმართა საკრებულოს მორიგი სხდომა, რომელსაც უძღვებოდა საკრებულოს თავმჯდომარე ედიშერ ჯობავა.

სხდომას ესწრებოდნენ საკრებულოსა და მერიის ხელმძღვანელი პირები.

სხდომაზე განხილულიქნა დადგენილების პროექტი „ნობის მუნიციპალიტეტის 2019 წლის ადგილობრივი ბიუჯეტის დამტკიცების შესახებ“ ნობის მუნიციპალიტეტის საკრებულოს 2018 წლის 28 დეკემბრის №44 დადგენილებაში ცვლილების შეტანის თაობაზე“, რომლის თანახმადაც განხორციელდა სხვადასხვა სახის ცვლილებები, ადგილობრივი ბიუჯეტით გამოყოფილ ასიგნებებში ეკონომიკური კლასიფიკაციის მუხლებს შორის განხორციელებული სხვადასხვა გადანაწილებები.

სხდომაზე მორე საკითხად განიხილეს დადგენილების პროექტი „ნობის მუნიციპა-

ლიტეტის ტერიტორიაზე სახელმწიფო და ნობის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის დადგენის შესახებ“, რომლის თანახმადაც არასასოფლო-სამეურნეო დანიშნულების მიწის ნორმატიული ფასი იგივე რჩება, რაც 2018 წელს იყო განსაზღვრული და არასასოფლო-სამეურნეო დანიშნულების მიწის ნორმატიული ფასი ქალაქ ნობის ტერიტორიაზე შეადგენს 12.38 ლარს, სოფლებში-3.71 ლარს, დასახლებათა შორის არეალებში-3.1 ლარს, ხოლო დასახლებათა შორის არეალებში გამავალი საერთაშორისო და შიდასახელმწიფოებრივი მნიშვნელობის საავტომობილო გზების 50 მეტრის რადიუსში (თითოეულ მხარეს) -6.19 ლარს.

დღის წესრიგით გათვალისწინებული საკითხების განხილვის შემდეგ საკრებულოს სხდომა დახურულად გამოცხადდა.

## ზემო ბიაში გზის რეაბილიტაცია დასრულდა



ნობის მუნიციპალიტეტის ბიის ადმინისტრაციული ერთეულის სოფელ ზემო ბიაში გზის რეაბილიტაცია დასრულდა. კეთილმოწყობილი გზა ნობის მუნიციპალიტეტის მერმა, გოჩა ქაჯაიამ და მერის პირველმა მოადგილემ, ვარაზ გაბედავამ დათვალიერეს.

შიდა სასოფლო გზა ამორტიზირებული იყო და მოსახლეობას გადაადგილებისას პრობლემებს უქმნიდა. ინფრას-

ტრუქტურული პროექტი, საქართველოს მთავრობის მიერ სტიქიის შედეგების სალიკვიდაციოდ გამოყოფილი თანხიდან დაფინანსდა და მისმა სახელშეკრულებო დირექტორებმა 44546 ლარი შეადგინა.

საქართველოს მთავრობის გადაწყვეტილებით ნობის მუნიციპალიტეტს სტიქიის შედეგად დაზიანებული ინფრასტრუქტურის აღსადგენად 1325000 ლარი გამოეყო.

## ალექსანდრე მონეაქიძე მერებს, რეზონანსებს „თხილის დაცვის პროგრამა“ გაუცნო

სამეგრელო-ზემო სვანეთში სახელმწიფო რწმუნებულმა ალექსანდრე მონეაქიძემ, საქართველოს თხილის მწარმოებელთა ასოციაციის აღმასრულებელ დირექტორთან გიორგი თოდუასთან ერთად, რეგიონის მუნიციპალიტეტების მერებს და ადმინისტრაციულ ერთეულებში მათ წარმომადგენლებს „თხილის დაცვის პროგრამა“ გააცნეს.

შეხვედრაზე სახელმწიფო რწმუნებულმა, რეგიონში თხილის სექტორში არსებულ ვითარებაზე, სახელმწიფო პროგრამასა და დაგეგმილ ღონისძიებებზე ისაუბრა. მისი განმარტებით, კარდაკარის პრინციპით, აქტიურად გაგრძელდება მოსახლეობისთვის პრაქტიკული სამუშაოების გაცნობა. ალექსანდრე მონეაქიძემ, სოფლის რწმუნებულებთან შეხვედრაზე „თხილის დაცვის პროგრამა“-ში ჩართვასა და მოსახლეობის მაქსიმალურ ინფორმირებაზე ისაუბრა.

გარემოს დაცვისა და სოფლის მეურნეობის სამინისტრო, „თხილის დაცვის პროგრამაზე“ დარგის წარმომადგენლებთან და საქართველოს თხილის მწარმოებელთა ასოციაციასთან ერთად, წლის დასაწყისიდან მუშაობს. ასოციაცია 8000-მდე წევრს აერთიანებს. პროგრამის ფარგლებში სახელმწიფოს და ასოციაციის მონაწილეობით, შემუშავებულია კომპლექსური ღონისძიებების გეგმა, რომელიც მეთხილე ფერმერებს საშუალებას მისცემს თხილის დაცვის და მაღალი ხარისხის მოსავლის მიღების მიზნით, მავნებლების და სოკოვანი დაავადებების წინააღმდეგ დროულად და ეფექტიანად ჩაატარონ აგროსამუშაოები, რათა თავიდან აიცილონ თხილის მოსავლის დაზიანება და ეკონომიკური ზარალი.

ამ პროცესის ხელშეწყობის მიზნით, სახელმწიფო შეისყიდის და ასოციაციას გადასცემს

2000 ერთეულ მაღალი ეფექტურობის შესაწამლ აპარატს და უსაფრთხოების საშუალებებს; ასოციაციის ჩართულობით უზრუნველყოფს საკონსულტაციო სამუშაოების ჩატარებას და აგროკონსულტანტების მომსახურებას ფერმერთა ჯგუფებისთვის.

თავის მხრივ, მეთხილეთა ასოციაცია, ასოციაციის წევრებს სთავაზობს შეღავათებს მომსახურებაზე: ნიადაგის გამოკვლევა, თხილის მოვლამოყვანისთვის აუცილებელი ტექნიკის გამოყენება, მოსავლის შრობა, სასუქებისა და პესტიციდების შესაძენად აგროკრედიტებზე ხელმისაწვდომობა.

შეხვედრას რეგიონის მერები, სოფლის რწმუნებულები, სურსათის ეროვნული სააგენტოს და ასოციაციის წარმომადგენლები ესწრებოდნენ.

## მუნიციპალიტეტის სოფლებში დასახლების კვახები იმართება

„სოფლის მხარდაჭერის პროგრამით“ დასაფინანსებული პროექტების შერჩევის მიზნით, ზემო ქვალონში, სასოკოლაკოში, ბულიშში, გიმოზგონჯილში, გვიმარონში, დურდენაში, ჭითაუშკურში, საალანო-საფაჩულიოში და საბაჟოში დასახლების კრებები გაიმართა. კრების მონაწილეებმა ხმათა უმრავლესობით დასახლებისთვის პრიორიტეტულ პროექტებს დაუჭირეს მხარი.

მუნიციპალიტეტის სოფლებში გამართულ კრებებს ნობის მუნიციპალიტეტის მერიის და საკრებულოს ხელმძღვანელი პირები უძღვებოდნენ.

სოფელ გიმოზგონჯილის მოსახლეობასთან გამართულ კონსულტაციას ნობის მუნიციპალიტეტის მერი გოჩა ქაჯაია და მერის პირველი მოადგილე ვარაზ გაბედავა ესწრებოდნენ.

მერმა ადგილობრივებს ქვემო ქვალონის სკოლის მშენებლობის შესახებ მიაწოდა ინფორმაცია. გოჩა ქაჯაიას განცხადებით-საქართველოს რეგიონული განვითარებისა და ინფრასტრუქტურის სამინისტროს მუნიციპალური განვითარების ფონდმა ნობის მუნიციპალიტეტის სოფელ ქვემო ქვალონის საჯარო სკოლის მშენებლობაზე ტენდერი გამოაცხადა. სატენდერო დოკუ-

მენტაციის მიხედვით სკოლა 300 მოსწავლესა დათვლილი, ხოლო სამშენებლო სამუშაოს სავარაუდო დირექტორები 4 მილიონ 158 ათასი ლარია.

დღეისათვის, ნობის მუნიციპალიტეტის 48 სოფელში ჩატარდა დასახლების კრება და გაიმართა მოსახლეობასთან კონსულტაცია.

საქართველოს მთავრობის გადაწყვეტილებით „სოფლის მხარდაჭერის პროგრამის“ დაფინანსება გაორმაგდა და ნობის მუნიციპალიტეტისთვის საქართველოს რეგიონებში განსახორციელებელი პროექტების ფონდიდან 784 ათასი ლარი გამოიყო.



# 3 მარტი გაზაფხულის დღესასწაულს 8 მარტი გილოცავთ!



## მორაული ახლოვანი

ჩემი, თუ ზოგადად, ადამიანის განვლილი წლები თითოეულის ცხოვრების აკარგის მსაჯულია. სხვისა არ ვიცი და მე დრო, ყველაფრის შემძლე და დამთმენი, ხშირად მიმანიშნებს დაშვებულ შეცდომებზე, ტკივილებზე... საბედნიეროდ, ადამიანები ვაგვსებით ერთმანეთს, ვუმსუბუქებთ ტკივილებს, ვზარობთ სხვისი სიზარულით. მათი შვილების წარმატებები ბედნიერებით გვაგვსებს. თუმცა სხვისი სიზარულით და სიყვარულით ცხოვრების სიამოვნება ყველას როდი შეუძლია, მაგრამ უფალი მოწყალეა...

წლებია უფალს იმისთვის ვმადლობ, რომ სხვისი სიყვარულითა და ბედნიერებით ცხოვრება დამანათლავს. ეს უდიდესი ბედნიერება არ მომაკლო, სიცოცხლე ამით გამილამაზა.

დროს ყველაფერი მიაქვს, მაგრამ წუთისოფლის ორომტრიალი სიკეთითა და სითბოთი არის სავე. ყველაფერი ადამიანური ურთიერთობებით იწყება და ნოდარ დუმბაძისა არ იყოს, არასოდეს მთავრდება... როცა ჩემს ცხოვრებას თვალს ვავლებ, უფლისადმი მადლიერებას გამოვხატავ, ბედნიერი ვარ და ვიხსენებ პოეტის სტრიქონებს „ეს იმ ქალს, იმ ბერიკაცს

გაუმარჯოს, ვისი ცხოვრების გზაც ეულია, ვისაც არასოდეს გაუმართლა, მაინც სიყვარული შეუძლია.“

ნობის სინამდვილეში მრავალ ადამიანს ვიცნობ და მაქვს ახლო ურთიერთობა. თამამად შემიძლია ვთქვა, ისინი თავიანთი ბედნიერებით მახელებენ, მიზარია მათი სიზარული, მტკივა მათი ტკივილი. დღეს მინდა ერთ-ერთი მათგანი—სოციალური მომსახურების სააგენტოს ნობის მუნიციპალიტეტის განყოფილების მთავარი სპეციალისტი მარინა ახალაია თქვენც უფრო ახლოს გაგაცნოთ, ვიდრე იცნობდით...

როცა ქალბატონ მარინას შევეხმიანე, ვთხოვე გაზაფხულის ლამაზი დღესასწაულები, როგორც ბედნიერ დედას და ბებიას, მოელოცა ქალებისთვის. რა თქმა უნდა, უარი არ უთქვამს, მაგრამ მისი ცხოვრების ამსახველი ძირითადი მომენტები იმდენად შთამბეჭდავი გამოდგა, გადავწყვიტე, უცვლელად დამეხსენებო.

დაე, ყველამ ერთხელ კიდევ გაითავისოს, რომ დიდებული წინაპრები დიდებულ შთამომავლებს ტოვებენ. ოჯახი შეუცვლელი და მთავარი ფაქტორია ადამიანის ცხოვრების ფორმირებაში.

რომელიც მისი მართვის ქვეშე აერთიანებს ორ ობიექტს. ლევანის მეუღლე ნინა პირტახიაა, რომელიც არის პოლიტიკურ მეცნიერებათა და ასევე საჯარო საქმიანობის მართვის სპეციალისტი. მუშაობს დასაქმების სააგენტოში (ეიჩარი) უფროს კორპორატიულ მენეჯერად. რამდენიმე დღის წინ ლევანს და ნინას შეეძინათ ვაჟი —ანდრია სიჭინავა. ჩვენს ოჯახს მეშვიდე შვილიშვილი შეემატა, ძალიან დიდ სიზარულს განვიცდით.

ვარ ბედნიერი დედა და ბებია. ვზარობ მეუღლესთან ერთად შვილების და მათი ოჯახების ბედნიერებით. შვილიშვილები გვიხალისებენ და გვიხანგრძლივებენ სიცოცხლეს. მადლობა უფალს იმისთვის, რომ შვიდივენი არიან ჯანმრთელები, გონიერები და მჯერა, ქვეყნის სასახელოები გაიზრდებიან.

## ოჯახი. რომელიც გვამაყობს...



ამონარიდები მისი ბიოგრაფიიდან:

დავიბადე სოფელ საჯიჯაოში—პედაგოგების ოჯახში. დედა—ზაირა ჯიქია საჯიჯაოს საშუალო სკოლაში მათემატიკას ასწავლიდა, მამა—დავით ახალაია კი ჯაპიშაქრის საშუალო სკოლაში ქართულ ენასა და ლიტერატურას. ჩვენი ოჯახის პედაგოგიური შთამომავლობის სათავე ჩვენი ბაბუადან—გიორგი ახალაიასგან მოდის, რომელიც სოფელ საჯიჯაოს პირველი დაწესებულებითი სკოლის ერთ-ერთი დამაარსებელი იყო. თვითონ ბაბუა ამ სკოლაში, შემდგომ რუსულ ენასა და ლიტერატურას ასწავლიდა. განათლება ქუთაისის გიმნაზიაში ჰქონდა მიღებული. ბაბუა—ბებიები, როგორც დედის, ისე მამის მხრიდან ლენინის ორდენის მფლობელები, რესპუბლიკის დამსახურებული მასწავლებლები გახლდნენ. ბაბუაჩემის—გიორგი ახალაიას შთამომავლობა დღემდე 34 პედაგოგს ითვლის.

ჩვენი ოჯახის პედაგოგიური დინამიკის (ახალაიების დინამიკის) შესახებ არაერთხელ დაბეჭდილ სტატიები საკავშირო, თუ რესპუბლიკური პრესის ფურცლებზე. ახლანდელ გამოცემაში წიგნი „წარსული ცხოვრების ფურცლები“, სადაც საკმაოდ ვრცლად არის მოთხრობილი ჩვენი დინამიკის შესახებ. მინდა ვისარგებლო შემთხვევით და თქვენი პრესის ფურ-

ცლებიდან მადლობა გადაუხადო ამ წიგნის ავტორს, შესანიშნავ პიროვნებას ბატონ დავით ახალაიას.

მე იმთავითვე სხვა გზა ავირჩიე. საჯიჯაოს საშუალო სკოლის დამთავრების შემდეგ სწავლა განვაგრძე თბილისის ივანე ჯავახიშვილის სახელობის სახელმწიფო უნივერსიტეტში და მივიღე ეკონომისტი კვალიფიკაცია.

მუშაობა დავიწყე ნობის საკოლმეურნეობათა შორის სამშენებლო საბჭოში ეკონომისტად. პრაქტიკული საქმიანობა არასდროს არ არის თეორიული ცოდნის იდენტური და პირველ ნაბიჯებს ნერვიულობაც ახლდა თან, მაგრამ იქ დამხვდნენ პროფესიონალი ადამიანები, რომლებიც საქმიანობას მიაღვივებდნენ. განსაკუთრებით მინდა გავიხსენო საინჟინრო-ტექნიკური განყოფილების უფროსი, უნიჭიერესი პიროვნება, მაღალი ზნეობრივი ღირებულებების მატარებელი ბონდო კეკელია. უფალმა სასუფეველი დაუმიკვიდროს მის წმინდა სულს... ქედს ვიხრი მისი ხსოვნის წინაშე.

1998 წლის 1 მარტიდან დღემდე ვმუშაობ სოციალური მომსახურების სააგენტოს ნობის რაიონულ განყოფილებაში. ვარ მთავარი სპეციალისტი. ორგანიზაციაში საქმიანობა მეტად მრავალმხრივი და ამავე დროს საპასუხისმგებლოა. ქვეყანაში შექმნილი მძიმე სოციალურ-ეკონომიკური მდგომარეობის გამო, მეტად რთულია ბენეფიტებთან ურთიერთობა. მაქსიმალურად ვცდილობ მათ სრულად, მარტივად, გასაგებად შევთავაზო საკანონმდებლო ნორმებით გათვალისწინებული ყველა სერვისები, რისთვისაც ხშირად მადლიერებას გამოხატავენ. ეს კი ჩემთვის მეტად ღირებულია..

მყავს მეუღლე, სამი შვილი და შვიდი შვილიშვილი. მეუღლე ანატოლ სიჭინავა პროფესიით აგრონომია. წლების განმავ-

ლობაში მუშაობდა სხვადასხვა სტრუქტურებში ხელმძღვანელ თანამდებობებზე. ამჟამად მუშაობს შპს „კოლხეთი და კომპანიაში“ მენეჯერად.

სამივე შვილი დაოჯახებულია, ისინი ჩვენი სიმდიდრე და სიამაყე არიან.

სალომე სიჭინავა—(სპეციალობით პედაგოგია), მუშაობს ქ. თბილისის 116-ე სკოლაში მათემატიკის მასწავლებლად. სალომეს ყავს მეუღლე მამუკა შონია—სპეციალობით ეკონომისტი, დასაქმებული კერძო სტრუქტურაში მთავარ მენეჯერად და ორი ვაჟი—მიხეილი და სანდრო.

თამუნა სიჭინავა—(სპეციალობა—ინფორმატიკა და მართვის სისტემები), მუშაობს ნობის მუნიციპალიტეტის მერიასში—გენდერული თანასწორობის საკითხებში პასუხისმგებელ პირად. მეუღლე—გიორგი ბუკია, სპეციალობით იურისტი, შპს „კოლხას“ დირექტორი, ხელმძღვანელობს საქართველოში პირველ სიმინდის ზეთის ქარხანას, რომელიც მთავრობის ხელშეწყობით და თანადაფინანსებით აშენდა და უკვე სატესტო რეჟიმში მუშაობს. თამუნას და გიორგის ყავთ ოთხი შვილი: ტატა, გოგი, ნუცა და ალექსანდრა.

ლევან სიჭინავა—ოქროს მედალზე დაამთავრა ქ. ნობის №1 საჯარო სკოლა, ასპროცენტრიანი სახელმწიფო დაფინანსებით ჩაირიცხა თბილისის ივანე ჯავახიშვილის სახელმწიფო უნივერსიტეტში ბიზნეს ადმინისტრირების სპეციალობაზე, ამჟამად სწავლობს მაგისტრატურაზე და არის ერთ-ერთი მსხვილი კომპანიის (შპს „ჯორჯიან გრუპი“) დამფუძნებელი,



\* \* \* როგორ შეიძლება არ დაეთანხმო, ასეთი წინაპრების შთამომავალი სასახელონი გაიზრდებიან და ივლიან სამშობლოს გასახარად და სადიდებლად უკიდევანო სივრცეში, ქვეყნის, მშობლიური მიწის სიყვარულით გარემოსილი.

მჯერა, ჩემი პოზიტიური რესპონდენტის გაცნობის შემდეგ თქვენც, ძვირფასო მკითხველო, პირუთენელო მსაჯულნო, დადებითი ემოციებით აივსეთ, რადგან ჩვენს გვერდით ცხოვრობს ოჯახი, რომელიც გვეიმედება, ჭირსა და ლხინში შეგვეხილება, გვერდს დაგვიშვენებს...

P.S. სარეპორტო მოლოცვა მინდოდა, სიტყვა გამიგრძელდა. ეს ჩემი სხვისი სიზარულითა და ბედნიერებით ცხოვრებისგან მიღებული სიზარულის ერთ-ერთი მაგალითია.

ქალთა დღესასწაულებს გილოცავთ ძვირფასო ქალბატონებო! იმზერდეთ, სიცოცხლის საწყისად და ქვეყნის საბედნიეროდ. მერი ლაბვილავა.

# 3 მარტი გაზაფხულის დღესასწაულს 8 მარტი გილოცავთ!



**ადამიანის ღირსება განიზომება ვინებრივი სიმადლით, ზნეობრივი სისპეტაკით და სიკეთით, რომელსაც იგი თესავს თავისი მოღვაწეობით.**

**ბუნებრივია, გაზაფხულის დღესასწაულზე, გონება უხმობს ჩვენთვის ნაცნობ სახელოვან ადამიანებს. საბედნიეროდ, ჩვენი მუნიციპალიტეტის სინამდვილეში მათი რიცხვი იმდენად დიდია, არჩევანის გაკეთება ძნელია ... და მაინც, მრავალთაგან ერთ-ერთ წარმატებულ ქალბატონს,**

**ნობის მეორე საჯარო სკოლის უფროს მასწავლებელს ლუიზა ბასილია-ანთიას ვესტუმრებ.**

**ქალბატონო ლუიზა, მრავალშვილიანი დედა და „ათასი ბავშვის მშობელი“ ბრძანდებით, მოგიყვებით ცოტა რამ თქვენზე.**

—დავბადე სოფელ ახალ ხიბულაში. დავამთავრე ახალი ხიბულის საშუალო სკოლა, სოხუმის სახელმწიფო უნივერსიტეტის ფიზიკა მათემატიკის ფაკულტეტი. ჯერ კიდევ მეთხუთმეულედა დავიწვეე მუშაობა ნობის მეორე საშუალო სკოლაში (ფიზიკის მასწავლებლის არყოლის გამო, როგორც წარჩინებული სტუდენტი, მომიწვიეს). ჩემი ორივე და, ნინო (მათემატიკოსი), ლალი (დაწვებითი განათლების მასწავლებლები არიან).

დაოჯახების შემდეგ ვიყავი თორსის საშუალო სკოლის მათემატიკის მასწავლებელი და სკოლის დირექტორი. ამჟამად ვარ უფროსი მასწავლებელი.

მეყავს მეუღლე ფრიდონ ანთია—სახელმწიფო უსაფრთხოების პოლკოვნიკი (ამჟამად თადარიგში) და ოთხი შვილი.

**ვიდრე სკოლასა და განათლებაზე ვისაუბრებთ, მომიყვით ოჯახზე, შვილებზე, რამ განაპირობა მათი წარმატება, თქვენმა განსაკუთრებულმა მზრუნველობამ, ნიჭიერებამ, იღბალმა თუ?... მოკლედ, რა არის მთავარი, რომ ახალგაზრდამ ამ ასაკში ასეთ წარმატებას მიაღწიოს, მომიყვით მათ შესახებ.**

—მართლაც ბედნიერი დედა ვარ. ჩემმა ოთხივე შვილმა ნობის №2 სკოლა დაამთავრა. ნათია და ხატია კლასელები და თანაკურსელები არიან. დაამთავრეს თბილისის სახელმწიფო სამედიცინო უნივერსიტეტის მედიცინის ფაკულტეტი და მიენიჭათ დიპლომირებული მედიკოსის ხარისხი, ნათიამ სწავლა გააგრძელა თსსუ-ში საზოგადოებრივი ჯანდაცვის მაგისტრატურაზე და პარალელურად მუშაობდა სხვადასხვა კლინიკებში.

მონაწილეობს ღებულობდა საერთაშორისო კონფერენციებში, მისი ნაშრომები დაიბეჭდა სხვადასხვა სამეცნიერო ჟურნალებში, მიწვეული იყო ქალაქ კიევიში კონფერენციაზე. შემდეგ მუშაობა დაიწყო თსსუ-ში მოწვეულ ლექტორად, ასევე არის სამეცნიერო უნარჩვევების დეპარტამენტის ლაბორატორიის გამგე, ფლობს რუსულ და ინგლისურ ენებს, არის თსსუ-ს დოქტორანტი.

რაც შეეხება ხატიას 2016 წელს დაამთავრა საქართველოს უნივერსიტეტის მაგისტრატურა მაგისტრის ხარისხით ჯანდაცვის ადმინისტრირებაში. გაიარა საზოგადოებრივი ჯანდაცვის მაგისტრის კურსი ჩესტერის უნივერსიტეტში ინგლისში, ასევე „საერთაშორისო თანამეგობრობის ჯანდაცვის“ სამაგისტრო კურსი ნორვეგიის ოსლოს უნივერსიტეტში. ამჟამად არის გერმანიის ქ. ჰაიდელბერგის უნივერსიტეტის (დაარსებულია XIII საუკუნეში, მსოფლიო რეიტინგში არის 42-ე ადგილზე) დოქ-

## „მთავარია მიზანდასახულობა და დაუღალავი შრომა“

ტორანტი, ჰაიდელბერგის გლობალ ჯანმრთელობის ინსტიტუტის წევრი. 2018 წელს მონაწილეობას ღებულობდა სლოვენის ქ. ლუბლიანაში გამართულ ჯანდაცვის მსოფლიო კონგრესში, როგორც დელეგატი საქართველოდან.

სხვადასხვა დროს მონაწილეობდა საერთაშორისო სამეცნიერო კონფერენციებში ისრაელში, რუმინეთში. მისი ნაშრომები გამოქვეყნებულია უცხოურ და ადგილობრივ სამეცნიერო ჟურნალ-გაზეთებში. გააჩნია მუშაობის გამოცდილება საავადმყოფოებში, სადაზღვევო კომპანიებში, საქართველოს ჯანდაცვის ასოციაციაში (იყო დირექტორის მოადგილე). მოწვეული ლექტორის სტატუსით თანამშრომლობს საქართველოს სახელმწიფო სამედიცინო უნივერსიტეტთან და საქართველოს უნივერსიტეტთან. ლექციებს კითხულობს ქართულ და ინგლისურ ენებზე. საქართველოს უნივერსიტეტში არის მაგისტრანტების დიპლომის პროექტების ხელმძღვანელი, გაცვლითი პროგრამებით უცხოეთში გასაგზავნ სტუდენტთა შესარჩევი კომისიის წევრი, საზღვარგარეთის უნივერსიტეტებთან სტუდენტთა გაცვლითი პროგრამების კოორდინატორი. გადის გერმანული ენის გაძლიერებული სწავლების კურსს.

ხატია განსაკუთრებით არის დაინტერესებული სოციალური და ჯანდაცვის პოლიტიკის საკითხებით, როგორცაა ჯანმრთელობის მიმართ უთანასწორობის შემცირება, ბავშვთა ფსიქიკური ჯანმრთელობის გაუმჯობესება, მიგრანტების და მოწყვლადი მოსახლეობის ჯანმრთელობა. მისი კვლევის მთავარი მიზანია მშობელთა მიგრაციის შედეგად დაზარალებულ ბავშვთა საჭიროებების შესწავლა და ეფექტური და მისაღები სტრატეგიის შემუშავება რათა შემცირდეს და თავიდან იქნეს აცილებული ბავშვებზე მიგრაციის ნეგატიური ზემოქმედება. პროექტის დასახელება: დროებითი შრომითი მიგრაცია და მისი გავლენა საქართველოში მცხოვრებ ბავშვებზე. პროექტის ხელმძღვანელია ჰაიდელბერგის უნივერსიტეტის დოქტორი ფოლკლერ ვინკლერი.

**მარიკამ** დაამთავრა თსუ-ს ტურიზმის მართვის და ბიზნესადმინისტრირების ფაკულტეტი, ამჟერად ცხოვრობს გერმანიაში, ქალაქ ბერლინში. სწავლას და მუშაობას ერთმანეთს უთავსებს, ფლობს რუსულ, ინგლისურ და გერმანულ ენებს.

**კარლო** სწავლობს საქართველოს ტექნი-

კურ უნივერსიტეტში ბიზნესის ორგანიზაციის და მართვის ფაკულტეტის დამამთავრებელ კურსზე. ძალიან შრომისმოყვარეა, კარგადაც სწავლობს და მუშაობს კიდევ კერძო სტრუქტურაში. გასულ წელს დაოჯახდა. გვყავს ულამაზესი რძალი, ზოგელი მარიამ რამიშვილი—ექიმი სტომატოლოგი, მუშაობს ავერსის კლინიკაში.

**როგორ ფიქრობთ, რა არის მთავარი სკოლა, ოჯახი თუ?..**

—ჩემი აზრით მთავარია სკოლა, ოჯახი და საზოგადოება. არანაკლებ მნიშვნელოვანია ბავშვის დაინტერესება და მონღობა. მიზანდასახულობა და დაუღალავი შრომა. ალბათ, არსებობს იღბალიც.

რაც შეეხება ნიჭიერებას, ჩემი მრავალ-

განსაკუთრებული სიყვარულით და მოწიწებით მინდა მიულოცო საქართველოდან ემიგრირებულ ქალბატონებს, ვუსურვო მათ ჯანმრთელობა და უახლოეს მომავალში სამშობლოში დაბრუნება.

**ვის მოისაკლისებთ ამ საღმარესო დღესასწაულს და ვის მიულოცავდით უპირველად?**

—ვის მოვისაკლისებ? ვინც ყოველდღე მაკლია ეს პირველ რიგში მამაჩემია, ჩემი დედამთილი ბაბუცა ანთია, მული ლამაზი, ბიძაშვილი მერაბ ბასილია, დედაშვილები თემურ გოგინავა და კობა წურწუშია, ჩემი მეზობელი, ნათესავი და მეგობარი მაგდანა (ციცო) ცქიტიშვილი, კოლეგები: ლალი სურმაგა, თეა ქაქუთია, ლამარა კვარაცხელია, ლიანა ჭითანავა.

**ნიეთი, რომელსაც პირველი შვილიშვილისთვის საუკულაგულოდ ინახავთ?**

—ბეჭვლი, რომელიც დედაჩემმა მისახსოვრა და ჩემთვის ძალიან ძვირფასია, მის შვილთაშვილს „ელოდება“.

**მოსწავლე, რომელმაც იმედი გაგიმართლათ, ვისი წარმატებითაც**



წლიანი პედაგოგიური გამოცდილებიდან გამოდინარე გეტყვით, რომ უნიჭო ბავშვი არ იბადება. მთავარია ნიჭის მიგნება და აღმოჩენა, რაც მშობლის და მასწავლებლის ერთობლივი ძალისხმევით უნდა მოხდეს, (ჩემს შემთხვევაშიც ასე იყო. მამა აკაკი ბასილია მათემატიკის ნიჭით გამოირჩეოდა, კარგად ხატავდა (ჩემი დაც ხატავს) და ძალიან განიცდიდა, ობლობის გამო, სწავლა რომ ვერ გააგრძელა. ამიტომაც ცდილობდა ჩვენთვის განათლება მიეცა, ამას ახლა ვამბობ, იმ წლებზე სინანული მაღაპარაკებს, ამით მის სულნათელ სახელს ვეფერები...

**როგორც ვიცო, ასეთი ახალგაზრდები უკვე შვილიშვილს ელოდებით. რას ნიშნავს, იყო ღირსეული ქალი, მეუღლე, დედა.**

—აცოთუ ისეთი ახალგაზრდები ვართ, მაგრამ ეს უდიდესი ბედნიერებაა. ალბათ, ყველა ქალის ოცნებაა გახდეს დედა და ბებია. იყო ღირსეული, ნიშნავს სიყვარულით აკეთო შენი საქმე, პირნათლად ემსახურო შენს ქვეყანას, მეუღლეობის და დედობის შეფასების კრიტერიუმი არის შენს მიერ გავლილი გზა, შენი ოჯახი და შვილები.

**რას ნიშნავს თქვენთვის დედის დღე, 8 მარტი?**

—ცხოვრებაში ქალის როლის კიდევ ერთხელ აღიარებას და მისადმი პატივისცემას. სხვა სიხარული და სიამაყე მეუფლება ამ დღეს. ვღებულობ მოლოცვებს უსაყვარლესი ადამიანებისგან... მინდა ვისარგებლო შემთხვევით და თქვენი გაზეთის საშუალებით დედის დღე მიულოცო დედაჩემს—ნონა აბრალავას, ასევე ვულოცავ სრულიად საქართველოს დედებს, ქალბატონებს და ვუსურვებ თავისუფალ, მთლიან, ძლიერ საქართველოში ეცხოვროთ თავიანთ ოჯახებში და ახლობლებთან ერთად.

**ხარობთ?**  
—ასეთი მოსწავლეები ბევრი მყავს, მათი წარმატებებით მე კი არა, მთელი სკოლა ხარობს, მათგან ვინმეს გამოყოფა გამიჭირდება და უხერხულადაც მიმაჩნია.

**თქვენი ყველაზე დიდი მიღწევა?**

—ერთი ჩვეულებრივი რიგითი მასწავლებელი ვარ. მინდა ჩემი გაკვეთილები საინტერესო და ხალისინი იყოს მოსწავლისთვის. ყველა დღე თუ გაკვეთილი საინტერესო გახვადო. აქამდე ერთი გაკვეთილი არ ჩამიტარებია ისე, უბრალოდ, სიყვარულის გარეშე. როცა შენს წინ მსხდომ მოსწავლეთა აცინციმებულ თვალებს უყურებ, სხვა ბედნიერება უკანა პლანზე გადადის, ყველა პრობლემა გაიწყვეტა.

სკოლა მუდმივად განახლებადი ცოცხალი ორგანიზმია და შენც სიცოცხლის წყურვილს გაისკვებ. ტავალდებულებს ყოველდღე ახალ-ახალი სიმაღლეების დასაპყრობად ემზადებოდე. ამას მასწავლიდნენ ჩემი პედაგოგები: კარლო ვარდია, ეთერ ჯოჯუა, მედეა ვარდია, დემურ ხარამიშვილი. ქეთინო ვარდია.

ჩემი ყველაზე დიდი მიღწევაა ის, რომ ვარ დედა და ვხარობ შვილების ცხოვრებით, მათი ყოველდღიურობით, სწავლის, ცოდნის გაღრმავების წადლით... ამასთანავე ვარ მასწავლებელი და ახალგაზრდა თაობას ვემსახურები და დედობრივ სიბოძს ვუნაწილებ თითოეულ მათგანს. სხვა ბედნიერება არსებობს?

ქალბატონო ლუიზა, რა შემიძლია გისურვოთ, ყოველმხრივ სრულყოფილ ოჯახს, მხოლოდ ჯანის სიმრთელე, ფიზიკური ძალა უფრო და უფრო გასაძლიერებია და სხვათა სასიკეთოდ.

**მსაუბრა მერი ლაბვილაძე.**

# 3 მარტი გაზაფხულის დღესასწაულს 8 მარტი გილოცავთ!



## წიგნის პრეზენტაციაზე



ნიკო კემულარია

### მოდრე პრეზენტაცია შედგებოდა...

ყველაფერი ასე დაიწყო...

2018 წლის ცხელ ზაფხულს, მკათათვის თხუთმეტში, ნინო კემულარია ჩვეული ხმაურით, სიცოცხლით სავსე კულტურის ცენტრში (რედაქციაში) „შემოიჭრა“ აქეთ-იქით ყველა მოიკითხა და ჩემი ფეხის ხმას აჰყვა...

ხორგაში გმირის გოგა ბერაიას ხსოვნისადმი მიძღვნილი ტურნირი ტარდებოდა.

წასვლა-წამოსვლაში დაღლილებმა დიაცის ქვეშ გაშლილ სივრცეში ჭადრებთან

„ბულვარში“ შევისვენეთ და ხარხარით მივყვე-მოვყვეთ! ბევრი ვისაუბრეთ სიყვარულზე, მეგობრობაზე, პოეზიაზე, მისი ახალი წიგნის „დუმილის ხმაურის“ გამოცემაზე.

შევპირდი, როგორც კი წიგნი გამოვიდოდა, პრეზენტაცია აუცილებლად ხობში შედგებოდა და ჩარგალში ვაჭაობაზე წასვლასაც ერთად დავგეგმავდით (ამის თაობაზე ქალბატონ ნანა ბუკიასაც ვესაუბრე).

ოცნება ახდა...

წიგნი გამოიცა...

საღამო შედგა...

მე მადლობელი ვარ, ჩემი სიმდიდრე სიკეთე და სიყვარულია.

ფასა, რომ კულტურის ცენტრის მიერ საკუთარი შესაძლებლობების მაქსიმალურად გამოვლენით, უკიდევანო სიყვარულით, ერთგულებით, ტკივილითა და სიხარულით, ლამაზი სევდით ჩამოქნილი სტროფების მათთან მიტანით. კიდევ ერთხელ აზიარეს პოეზიის მადლს, რომლის ფუნქციონის მიმართ სიამაყითაც სწორედ ასეთი საღამოები განგვაწყობს.

ნინოს ლექსებზე არაერთი სიმღერაა შექმნილი პოეზიის საღამოს შემდეგ ნიჭიერმა და შემოქმედმა ადამიანმა ბატონმა კობა კვიციანიამ ნინოსადმი პატივისცემა მის ლექსზე „სობი“, სიმღერის შექმნით გამოხატა. დიდი მადლობა მას.

არ შემიძლია არ აღვნიშნო ის აღფრთოვანება და სიხარული, რომელიც გამოიწვია ხობის

## „თავისუფლება ღუმილში ვკოვე“

ხობის მუნიციპალიტეტის კულტურულ-საგანმანათლებლო საზოგადოებრივი ცენტრის მცირე დარბაზში მოეწყო პოეტისა და პროზაიკოსის ნინო კემულარიას მეოთხე წიგნის „დუმილის ხმაურის“ წარდგენა მკითხველთა წინაშე.

საღამოს უძღვებოდა პოეზიაზე უზომოდ შეყვარებული, მუდამ შემოქმედებითი ძიებით დამუხტული, უღაღად ნიჭიერი ადამიანი ბატონი ბეჟან ნადარაია.

დარბაზი ხალხით იყო გადაჭედილი, ყვაილებით მოჩითული სცენის ერთ კუთხეში იჯდა პოეტი უღამაზესი კრებულით და მოკრძალებით ისმენდა მისი პოეზიის სადიდებელს.

„ნინო ბავშვობიდან წერდა ლექსებს, წერდა თავისთვის ფიქრისა

ვანერო კიდევ ორ დიდებულ ლექსზე, რომლებიც მის მშობლებს ეძღვნება. ამ ლექსებში ჩატეულია დედ-მამის გარდაცვალებით გამოწვეული ტკივილი, მრავალმეტყველი მწუხარება და განცდა, რომელიც ყველა დედ-მამა დაკარგულ

მისის...

განსაკუთრებულად ამაღლებულია მისი ლექსი „9 აპრილი“ „9 აგვისტო“, „ინისის ცამეტი“, რომელიც მკითხველში დიდ ტკივილს იწვევს, მაგრამ გულით მდიდარი პოეტი ისევ გულით ცდი-



პოეტს შოთა წურწუმიას, პოეტ ლია ნაროუშვილს, ვასილ ბესელიას, როენა ბუბუტიშვილს.

მადლობა ხობის მუნიციპალიტეტის მერიისა და საკრებულოს თითოეულ თანამშრომელს, განსაკუთრებული მადლობა ქალბატონ დოლო გაბუნიას, მუნიციპალიტეტის მერიის კულტურის, განათლების, სპორტის, ძველთა დაცვისა და ახალგაზრდულ საქმეთა სამსახურს, სკოლაში დღეს სააღმზრდელო გაერთიანებას, თითოეულ ხობელს, ყველას, ვინც გაიხარჯა, რომ საღამო ყოფილიყო ლამაზი, ემოციებით დატვირთული და ამაღლებული.

მადლობა გაზეთი „სობის მოამბეს“ თანამშრომლებს, კოლეგებს, რომლებიც წლების განმავლობაში ბეჭდავდა ნინოს შემოქმედებას და აცნობდა მკითხველს.

მადლობა თითოეულ მონაწილეს ქალბატონ დალი გერგაიას, ანსამბლ „კოლხეთს“ ლოტბარ ნუგზარ ზარანდიას ხელმძღვანელობით, ბატონებს ბადრი ლომაიას, მსახიობსა და რეჟისორ რამაზ ლოლუას, პატარა მომღერალს ბარბარე ლოლუას, კულტურის ცენტრის დირექტორს ბატონ ბორის ბერაიას, ღონისძიების სცენარის ავტორს ბეჟან ნადარაიას, თითოეულ თანამშრომელს. სწორედ, მათი თანადგომითა და მხარდაჭერით მოეწყო ეს ლამაზი ღონისძიება, რომელსაც პოეზიის სიყვარულის, ერთგულების, მადლიერების საღამო ერქვა. რომელიც საზოგადოებამ შეა-

მუნიციპალიტეტის მერიის ბატონ გონა ქაჯაიას მილოცვაში გაუღებულმა სიტყვამ, ჩვენ დავაფინანსებთ ნინოს მეხუთე წიგნს“.

ქუხდა დარბაზი, იყო ოვაციები, აპლოდისმენტები.

...და ასეთი ლამაზი, მშვიდი, სიცოცხლის, სიყვარულის, თანადგომის ქალაქია ჩემი ხობი. მადლობა ხობს და ხობელებს.

თითქმის არავის სურდა ამ მშვენიერი საღამოს დასრულება. აქ იყო ურთიერთგანცნობა, სამახსოვრო ფოტოების გადაღება, მოფერება, ნინოს გაბრწყინებული და ბედნიერი სახე.

საქართველოში ყველა ქართველი პოეტი, პოეტი კი ორჯერ პოეტი, ამიტომაც მეც გავბედე ექსპრომტად სიტყვის თქმა

გავგიჟდი შენი ლექსების ცეცხლით, ერთხელ ხომ, მაინც გიყვდება ყველა.

კოკისპირული წვიმაც ვერ აქრობს ლექსის და მუზის ზღვა

საოცრებას, ჩავაბილიკებ ნაცნობ ორშარებს იქ, ყოჩივარდებს უთუოდ

დავკარეფ, ჩავიძირებ მოვინებებში და ოცნებების ავუშებ აფრებს...

...ქალაქზე ნაჩქარევად დაწერილი სტრიქონები ის აღარ არის, რაც გულში მიტრიალებს და რასაც განვიცდი.

იარე, იარე, იხეტიალე მუზის სამყაროში ჩემო ნინიკო!

ველოდებით ახალ წიგნს.

ნანიკა ბერაია.



და გულისნადებს ლამაზ სტიქონებში აქსოვდა. ბოლოს პოეზიისადმი მოზღვავებული სიყვარული გულმა ვერ დაიტია და გაზეთის ფურცლებით გახშიანდა.

ნინოს ლექსები იწერება ხალისით, წრფელი გულით. დამაფიქრებელია, მისი ლექსების თემატიკა, ჟანრობრივი მრავალფეროვნება, წერის მანერა და სტილი, ორიგინალური აზროვნება, ამიტომაც იგი ერთი წაკითხვითაც გვაშაქსოვრდება.

სამშობლო, მამული ყველა ქართველის საფიცარი და სიყვარულის წყაროა, ამდენად არ არის გასაკვირი, რომ ნინომ ლექსებში „სამაჩაბლო“ და „აფხაზეთი“ ჩააქსოვა თავისი ფიქრი და ოცნება. ამ ლექსების სტრიქონებში გამოჩნდა მისი მდიდარი პოეტური სამყარო. არ შემიძლია, ყურადღება არ შე-

შვილს შეძრავს და მის მოზიარედ გახდის“. ასე დაიწყო და დაასრულა თავისი სათქმელი ბეჟან ნადარაია.

\*\*\*

ყველაფერი ნათელია... შესანიშნავი ფორმები და რითმები, რიტმი, ლექსის უნიკალურობა, სიფაქიზე გულის ფეთქვა, მკითხველამდე მიტანის უნარი, ვაუკაცობა, სიყვარული და რაც მთავარია, სამშობლო ჩვენი, ხალხი, ჩვენი ტკივილი და ღზინი ჩვენი...

ლამაზი სულის, მზეობისა და ნიჭის მქონე კოლხმა ასულმა იცის რა თქვას, როგორ თქვას, მას ბრწყინვალედ აქვს გათვითცნობიერებული, რომ ის მშობლიური თვისებები, აღტკინებული წარსული, ურომლისოდაც არ არსებობს ჭეშმარიტება, სიცოცხლე, ნამდვილი სიყვარული და იმედი უკეთესი მერ-

ლობს ცრემლი მოგვწმინდოს და იმედით აგვანთოს.

საღამოზე ნინოს მისამართით ბევრი თბილი სიტყვა ითქვა, უამრავი ყვაილი და უკიდევანო ემოციებისგან ათროლდებული ხმები, აქა-იქ სიხარულის ცრემლიც, უამრავი საჩუქარი და სახსოვარი. სალექსო სტრიქონებზე აკონტრული სათქმელი, სიყვარულის გამოცხადება, მადლიერების სტრიქონები და ცნობილი ჭეშმარიტების ერთხელ კიდევ დადასტურება, რომ „სანთელ-საკმეველი თავის გზას არ დაჰკარგავს“, რომ „კარგი ჰქენი, ქვაზე დადე, გაიარე-წინ დაგხვდება“...

\*\*\*

მადლობა ზუგდიდის მუნიციპალიტეტის ხელოვნებისა და კულტურის ცენტრის თითოეულ თანამშრომელს ნინოს წიგნის „დუმილის ხმაურის“ გამოცემისთვის, თანადგომისთვის, მხარდაჭერისთვის. მადლობა მოწვეულ სტუმრებს, პოეტებს, ნინოს მეგობრებს, ხობელებს მობრძანებისთვის.

მადლობა პოეტ ჭაბუკა ქიაიას, მის მიერ წაკითხულმა ლექსმა „ყაყაჩო“ მოხიბლა მთელი დარბაზი.

მქუხარე აპლოდისმენტები კოლხ

# 3 მარტი გაზაფხულის დღესასწაულს 8 მარტი გილოცავთ!



## დედა, ბებია, აღმზრდელი!..

გაზაფხულის სურნელი ტრიალებს გარემოში. დიდი ხანია გამოჩნდნენ იები, ფურისულები, ყოჩივარდები, ენძელები, ნარცისებიც აყვავდნენ. ხეებს დასკლომათ კვირტები, აყვავილდნენ.

მარტი ქალის, დედის დედა და ამიტომაც უყვარს ყველას, გაზაფხული ხომ სიახლის, მოლოდინების თვედ ითვლება. ბევრჯერ ლამაზი, ზოგჯერ ტკივილიანი...

მარტია-დედის, ქალის დღე, ამ დღისადმი მიძღვნილი „ხოზის მოამბის“ ნომრისთვის ჩემს ცნობიერებაში ერთი ქალბატონი



უდიდესი პასუხისმგებლობა, პატარებისადმი ყურადღება, იჩენს სითბოსა და სიყვარულს მათ

მიმართ. ამიტომაც პატარები მალევე ეჩვევიან მას, იქაურ გარემოს და მ ა ყ ვ ა ლ ა ბე ბ ო ს - მ ა ს წ ა ვ ე ლ ე ბ ე ლ - ა ღ მ ზ რ დ ე ლ ს ე ტ - მ ა ს ნ ე ბ ი ა ნ დ ა უ ყ ვ ა რ თ. პ ა ტ ა რ ე ბ ს ყ ვ ე ლ ა თ ვ ი ს ე ბ ა ს თ ა ნ ე რ თ ა დ მ ო ს - წ ო ნ თ მ ი ს ი ი უ - მ ო რ ი ც.

ის ჩემი შვილის, რძლის და შვილიშვილების აღმზრდელია. დღეს კი ჩემი მეოთხე შვილი ი შ ვ ი ღ ი ს ა ლ ე ქ ს ა ნ დ რ ა ს



ნის, მუდამ ახალგაზრდული განწყობით მყოფი მაყვალა ბახტაძე-ჭიჭინაძის სახე ამომიტივტივდა. მის სახელს მის ხელშიგამოვლილი პატარები, მაგრამ, ახლა უკვე დიდები, თბილად, ტკბილად მოიხსენიებენ და ახარებთ, რომ ამჯერად შვილებს აბარებენ მას და თავიანთ ბავშვობასაც იხსენებენ.

მასზე ოჯახში ხშირად ვსაუბრობთ. ქალბატონი მაყვალა ათეული წელია ხოზის №2 საბავშვო ბაგა-ბაღში აღმზრდელად მუშაობს. რთულია იმუშაო ძალიან პატარებთან, მათი განწყობით იცხოვრო, გაუგო ისეთ ბავშვებს, რომელთაც, უფრო ზუსტად, ბევრ მათგანს დამოუკიდებლად ჭამა და სიარული არ შეუძლიათ. კარგად საუბარსაც ვერ ახერხებენ. მაყვალა და მისი თანამოსამსახურეები-აღმზრდელები და აღმზრდელის თანამშემწეები ამ ყველაფერს თავს კარგად ართმევენ.

ამ ქალბატონს ახასიათებს

„მეგობარია“, ერთმანეთსაც ხშირად აღვიძებენ (იუმორით) „ჩემი პატარა სახლშიც ხშირად იძახის – „მაყვალა, გაიღვიძე!..“

წლები გაილია ბაგა-ბაღთან ერთად... ის ძალიან აქტიური ადამიანია, თბილი, ყურადღებიანი, დაუღალავი, ასობით პატარას აღმზრდელი და მათი წუხილისა თუ სიხარულის თანაზიარი გახლავთ. არასდროს წუწუნებს. უყვარს თავისი სამუშაო, თავისი საქმე და თავისი პატარები.

აქ გაიზარდნენ და იზრდებიან მისი პატარები. ქალბატონი მაყვალა ბაგა-ბაღის ყველა სახეიშო ღონისძიების მონაწილე და აქტივისტია. ყველას უყვარს ეს უანგარო ადამიანი.

ამაგით სავსე ადამიანო, გილოცავთ მარტის ლამაზ დღესასწაულს. უთვალავ გაზაფხულს მოსწრებოდეთ დედავ, ბებიავ, აღმზრდელი! თქვენთან ერთად ვულოცავ ამ ლამაზ დღეებს №2 ბაგა-ბაღის ყველა თანამშრომელს.

**ნანი კილასონია**

### ბლიც-ინტერვიუ

ხოზის მუნიციპალიტეტის საკრებულოს შრამცია ერთიანი ნაციონალური მოძრაობის თავმჯდომარის მოადგილე



- სახელი-ია.**
- გვარი-ჯიშკარიანი**
- საქმიანობა?**
- პოლიტიკა.
- თქვენი წარსულის ერთი ლამაზი დღე?**
- ყოველი დღე ლამაზია.
- რას ინატრებდით?**
- დემოკრატიულ ქვეყანაში ცხოვრებას!
- სურვილი, რომელიც ვერ აისრულეთ?**
- რეალისტი ვარ.
- ყველაზე მეტად რას არ ისურვებდით?**
- გონებრივ სიბნელეს.
- ვის გარეშეც ცხოვრება ვერ წარმოგიდგენიათ?**
- ოჯახის გარეშე.
- თქვენი ყველაზე ძლიერი მხარე?**
- ადამიანის სიყვარული.
- თქვენი ყველაზე უცნაური თვისება?**
- ვერ ვიხსენებ.
- რისი გჯერათ?**
- საკუთრი თავის.
- რასაც არასოდეს გააკეთებდით?**
- დაშვებული შეცდომის განმეორება.
- ადამიანში ყველაზე მნიშვნელოვანი ღირსება?**
- სულის სიმტკიცე.
- ყველაზე მეტად რისი გეშინიათ?**

- უარყოფითი ენერჯის.
- ფრაზა, რომელსაც ყოველდღიურ საუბარში ხშირად იყენებთ?**
- ბევრია ძალიან.
- რა უნდა გახსოვდეთ ამ ქვეყნად ყოველთვის?**
- 10 მცნება.
- რითი ილაშქრებთ ცხოვრებას?**
- მეგობრებთან ურთიერთობით.
- როგორ გინდათ დაგიმახსოვრონ?**
- სამართლიანი (სამართლიანობისთვის მებრძოლი).
- თქვენი ნება რომ იყოს, რას შეცვლიდით?**
- არაფერს.
- რისი თქმაც ადრე გინდოდათ და დღეს ჩვენთან იტყვიან?**
- არასოდეს უღალატოთ სამშობლოს. გააკეთეთ სწორი არჩევანი, ნუ იოცნებებთ!

## სხუგად მუსიკოსთან



...მიყვარს, როცა გავივლი სახლის წინ და ფანჯრებიდან ფორტეპიანოს ჰანგები შემოგესმება, ან კიდევ, მხრებზე ვიოლინო გადაკიდებული კაფანდარა გოგონა ჩაგივლის და ღვთაებრივი საკრავისა და ყმაწვილქალობის სურნელს ტოვებს... ჩემი რესპოდენტი მუსიკოსია... მასთან სტუმრობამ სასიამოვნო განწყობა შემიქმნა... (ეს მუსიკოსის ქალბატონ ნაზი ბერაიას დამსახურებაა), ქალბატონი ციცი დევიძე-გამორჩეული ში-

ნაგანი კულტურით, ინტელექტით, შეუღარებელი იუმორით, უბრალოებით, კეთილშობილებით, საოცარი სტუმარ-მასპინძლობით, ყველა იმ თვისებებით, ასე რომ ალამაზებს და ამშვენებს ადამიანებს. დიდი სიყვარულით მოგიკითხავთ ქალბატონო ციცი, ღმერთმა დაგლოცოთ, გაგაბედნიეროთ, სიხარული და ჯანმრთელობა არ მოგაკლეთ უფალმა. გილოცავთ გაზაფხულის უმშვენიერეს დღესასწაულს. მის თვალბეჭე ცრემლები კიაფობდა... მომეჩვენა თითქოს ცრემლებით თავის ფიქრებს ამხელდა... „ეჰ, არის წუთები როცა წარსულზე ნოსტალგია გაწუხებს, იგონებ შენ უახლოეს ადამიანებს, მეგობრებს, ახლობლებს. ეს მოგონებები შემდეგ ტკივილია, გენატრებიან, ნატვრა წუხილად გექცევა და... რას იზამთ, ასეთია წუთისოფელი... სოხუმი ჩემი ტკივილია, სევ-

დაა, მწუხარებაა. ხობი კი მშობლიურია, ჩემი მიწაა, ჩემი მზე, ჩემი მთვარე... მიყვარს აქაურობა...“ ქალბატონ ციციოს მეტად საინტერესო ბიოგრაფია აქვს, ეს თითოეულმა ხობელმა იცის. ჩემი სურვილია, ის მალე გამოჯანმრთელდეს, მისეულად ბუბუნებდეს და ჩვეული რიტმით ფორტეპიანოზე აწკრიანებდეს. მას ხომ ფანტასტიკურად უყვარს თავისი საქმე, ოჰ, ფანტასტიკურად... ბოლოს ასე დავამთავრებდი, რამდენი დალოცვილი, საუკუნეგამოვლილი სიტყვა გვაქვს ქართველებს მათ შორის „მშვენიერი“... მართლაც თქვენ, მშვენიერი და სიცოცხლით სავსე ქალბატონი ხართ, გეფერებით, მაბატიეთ, რომ ამ პატარა წერილში ვერ გამოვხატე ის დიდი სითბო და სიყვარული, რომელიც თქვენთან სტუმრობისას ვიგრძენი. მადლობა თქვენ, დიდხანს სიცოცხლეს გისურვებთ.

**ნაირა ბერაია.**

სპორტი

მინიფეხბურთი



ვიდნენ. მეორე ნახევარფინალურ შეხვედრაში სენაკის მეორე ქვეითი ბრიგადის გუნდმა აშკარა უპირატესობით 6:0 დაამარცხა ახალი სოფლის ფეხბურთელთა გუნდი და ფინალში თამაშის უფლება მოიპოვა.

დათას დაბადების დღეს, 16 თებერვალს გაიმართა ფინალური მატჩი.

ხეთისა და სენაკის მეორე ქვეითი ბრიგადის გუნდების ფინალური მატჩი მეტად საინტერესოდ წარიმართა, თუმცა შემდეგ აშკარად გამოიკვეთა სენაკის მეორე ბრიგადის ფეხბურთელთა უპირატესობა და მატჩიც მათივე გამარჯვებით-5:1 დამთავრდა.

დამთავრდა 2008 წლის აგვისტოს ომის დროს ტრაგიკულად დაღუპული რეზერვისტის დათა ხურცილავას სახელობის თასის ტრადიციული გათამაშება მინიფეხბურთში. აღსანიშნავია, რომ დათა წლების განმავლობაში თამაშობდა სობის „კოლხეთისა“ და თბილისის „დინამოს“ ჭაბუკ ფეხბურთელთა გუნ-



დებში. შეჯიბრებაში 9 გუნდი იღებდა მონაწილეობას, რომლებიც გაერთიანებულნი იყვნენ A და B ქვეჯგუფებში. ჯგუფებიდან პირველ-მეორე ადგილზე გასული გუნდები გადიოდნენ ნახევარფინალში. A ჯგუფითან ნახევარფინალ-

ამრიგად, დათა ხურცილავას სახელობის თასის გათამაშებაში, მესამე ადგილზე გავიდა ახალი სოფლის ფეხბურთელთა გუნდი, რომელთაც გადაეცათ მესამე ადგილისთვის განკუთვნილი თასი და სიგელი.

მეორე ადგილი დაიკავა ხეთის ფეხბურთელთა გუნდმა,



ში თამაშის უფლება მოიპოვეს ხეთისა და ახალი სოფლის ფეხბურთელთა გუნდებმა.

B ჯგუფიდან კი სენაკის მეორე ქვეითი ბრიგადისა და სობის „ჭალეს“! უბნის გუნდებმა. ნახევარფინალში გუნდები ასე დაწყვილდნენ: ხეთა-ჭალე, სენაკის მეორე ქვეითი ბრიგადა-ახალი სოფელი.

პირველი ნახევარფინალურ წყვილში თამაში ხეთისა და ჭალეს გუნდებს შორის თავიდან წარიმართა დაძაბულად, თუმცა შემდეგ ხეთელებმა შეძლეს უპირატესობის მოპოვება, დამსახურებულად მოიგეს მატჩი და ფინალში გა-

რომლებიც დაჯილდოვდნენ მეორე ადგილისთვის განკუთვნილი თასით და სიგელით.

დათა ხურცილავას სახელობის თასის ღირსეული გამარჯვებული გახდა სენაკის მეორე ქვეითი ბრიგადის ფეხბურთელთა გუნდი, რომლებიც დაჯილდოვდნენ პირველი ადგილისთვის განკუთვნილი თასით და სიგელით, ასევე დათას ოჯახის მიერ დაწესებული გარდამავალი თასით.

ტურნირზე ასევე დაწესებული იყო პრიზები საუკეთესო მოთამაშეებისთვის: სხვადასხვა ნომინაციებში გა-

მოვლინდნენ:

საუკეთესო მეკარე-გოდერძი რეკვავა (სენაკის II ქვეითი ბრიგადა);

საუკეთესო მცველი-სოსო ლატარია (ხეთა);

საუკეთესო ნახევარ მცველი-ხვიჩა სიორდია (სენაკის II ქვეითი ბრიგადა);

საუკეთესო თავდამსხმელი-გიორგი ბესელია (სენაკის II ქვეითი ბრიგადა).

საუკეთესო ბომბარდირი-რევაზ ჩიხლაძე (ახალი სოფელი), რომელსაც გადაეცა სობის მუნიციპალიტეტის მერის ბატონ გონა ქაჯაიას მიერ დაწესებული პრიზი.

ტურნირის საუკეთესო ფეხბურთელად ერთხმად აღიარეს შაკო ცირამუა, რომელსაც გადაეცა სენაკის მეორე ქვეითი ბრიგადის მიერ დაწესებული პრიზი.

სობის მუნიციპალიტეტის მერის წარმომადგენელმა ქალაქ სობში სპორტის დამსახურებულმა მწვრთნელმა მკლავჭიღში ბატონმა კობა თუთბერიძემ დააწესა პრიზი, რომელიც გადაეცა ხეთელ ლევან ხურცილავას. ასევე სპეციალური პრიზით დაჯილდოვდა ტურნირის მთავარი მსაჯი კალისტრატე ხურცილავა.

დაჯილდოებისას წუთიერი დუმილით პატივი მიაგეს დათა ხურცილავას ხსოვნას.

დაჯილდოებას უძღვებოდნენ სობის მუნიციპალიტეტის საკრებულოს თავმჯდომარე ბატონი ედიშერ ჯობავა, მერის მოადგილე ბატონი მახარე ჩოკორაია, სენაკის მეორე ქვეითი ბრიგადის მეთაური, ვიცე-პოლკოვნიკი კობა გრიგოლია, მერიის ეკონომიკური განვითარებისა და ქონების მართვის სამსახურის უფროსი ბატონი ანტონ ვარდია. მერიის კულტურის, განათლების, სპორტის, ძველთა დაცვისა და ახალგაზრდულ საქმეთა სამსახურის უფროსი ქალბატონი ელისო კვიციანია, სპორტისა და ახალგაზრდულ საქმეთა განყოფილების უფროსი ქალბატონი ნანა ბუკია, მუნიციპალიტეტის საკრებულოს ქონების მართვისა და ინფრასტრუქტურის კომისიის თავმჯდომარე ბატონი ვლადიმერ ქანთარია, ვეტერანი ფეხბურთელი ა(ა)იპ სობის საფეხბურთო კლუბ „კოლხეთის“ დირექტორის მოადგილე ბატონი ზურაბ ლატარია, მერიის სპეციალისტი ბატონი გიგა ზაქარაია.

დაჯილდოების შემდეგ ტურნირის მონაწილეებმა, ორგანიზატორებმა, მუნიციპალიტეტის ხელმძღვანელმა პირებმა და ოჯახის ახლობლებმა ყვავილებით შეამკეს დათა ხურცილავას საფლავი და აღნიშნეს მისი დაბადების დღე.

ლევან ლემონჯავა.

სოხელთა სიამაყე ნუზარ ფურფუშია ევროპის ჩემპიონია

სერბეთის ქალაქ ნოვი სადში მიმდინარე ევროპის ჩემპიონატზე, საქართველოს ბერძნულ-რომაული სტილით მოჭიდავეთა ნაკრების წევრმა, ნუზარ ფურფუშიამ (55 კილოგრამ წონითი კატეგორია) დიდ წარმატებას მიაღწია. სოხელმა ფალავანმა ფინალურ შეხვედრაში, რუმინეთის წარმომადგენელი ფლორინ ტიტა აშკარა უპირატესობით, 9-0 დაამარცხა და ევროპის ჩემპიონის ტიტულს დაეუფლა.



სობის მუნიციპალიტეტის მერია და საკრებულო ულოცავს სოხელ ფალავანს საერთაშორისო სარბიელზე მოპოვებულ ამ დიდ გამარჯვებას.

სულთათანა

„...შენი მადლი და სურნელი ახლავს!..“ ტატიანა (კატუშა) ფურფუშია-კილასონია



დედა ყველაფერს ასწრებდი, ყველას გვინაწილებდი შენულ სიყვარულს, სითბოს, მოძალებულ საქმეებს მამასთან ერთად. შემდეგ მეუღლის გარეშე გვპატრონობდი, დედა. შენ მზრუნველი, მოსიყვარულე მეუღლე, დედა და ბებია იყავი. წახვედი დედი, და „დაგვრჩი, დაგვრჩი ნატკვრად მარადის.“

ბევრჯერ მითქვამს, გაზაფხულის შემობრძანება განსაკუთრებით მიყვარდა. მაცოცხლებდა და მხიბლავდა გალამაზებული ხელები, აყვავილებული ტყეებში, ატმები, ყვავილები...

სიყვარულის უდიდესი მიზეზი კი ჩემი უსაყვარლესი, ნაზი და ლამაზი დედიკოს დაბადების დღე-9 მარტი გახლდათ. სწორედ ამიტომაც ვეთაყვანებოდი გაზაფხულსა და მარტს, მაგრამ წლების შემდეგ ეს საოცარი თვე უკვე აღარ მაცოცხლებს, აღარ მიყვარს იმ სიყვარულით, როგორც ადრე... მარტმა წამართვა ნაადრევად დედა და მეუღლე. ერთიც და მეორეც უზომოდ მიყვარდა და... ასე დაჯაბნა მათი წასვლით მიყენებულმა ტკივილმა მარტი...

დედა, დაბადების დღის მოლოცვა ახლა, ალბათ, აღარც გხიბლავს და აღარც გსურს. როგორც ყოველთვის, შავებში ხარ, ალბათ, რადგან გრძნობ, რომ შენს ოჯახში გაუსაძლისმა ტკივილმა დაისადგურა, რადგან შენი უმცროსი ქალიშვილი, მეუღლის, უთბილესი შვილების-გიგასა და გოგას, ძმისა და დებისთვის უსაყვარლესი, საფიცარი დაიკო კლარა, შემდეგ სიძე-შვილიშვილის მეუღლე ზურაბი დაეკარგეთ. დიდმა ტკივილმა გააუფერულა შენი დაბადების დღეც და ჩვენი ყოველდღიურობაც...

დედა, 73 წლისამ დაგვტოვე, წლები გადიოდა და დროის ამ სრბოლას, რატომღაც ვერ ვგრძნობდით. ალბათ, იმიტომ, რომ ისევ ისე გვიყვარდი ყველას... და ამასობაში შენ 100 წლის გახდი! 100 წლის უჩვენოდ. ნეტავ ცოცხალი იყო!..

იცოდე, ახლაც იმ ჩვენს ძველ სახლს „შენი მადლი და სურნელი ახლავს“.

გვიყვარხარ, გილოცავთ გაზაფხულის დღესასწაულებს და იუბილეს! ნანი კილასონია.

# 3 მარტი გაზაფხულის დღესასწაულს 8 მარტი გილოცავთ!



## ნაყვანი მასწავლებლის საბჭოსი



საპოვებელია, გზაც ხსნილია და თავისუფალი.

ნობის მუნიციპალიტეტის საჯარო სკოლებში მრავალი ღირსეული, სერთიფიცირებული და სხვადასხვა ტიტულის მქონე პედაგოგები მოღვაწეობენ. იღვწიან თავიანთი ცოდნა გადასცენ მოსწავლეებს. მათ შორის არიან სსიპ ესტატე შუშანიას სახელობის ნობის მუნიციპალიტეტის სოფელ პირველი მაისის საჯარო სკოლის პედაგოგები **ბელა ლაგვილავა** და **ნინელი ზუხია**. მოსალოცია და მისასალმებელი ახალი სტატუსი-წამყვანი მასწავლებელი, რომელიც ამ ორმა პედაგოგმა ღირსეულად მოიპოვეს.

გაზეთ „ნობის მოამბე“ ულოცავს პირველმაისელ მასწავლებლებს ამ წარმატებას და მათ მომავალ გამარჯვებებს უსურვებს.

დაე, მრავალგზის მოსალოცი წარმატებები გქონოდეთ ბავშვებზე ზრუნვაში მყოფ ადამიანებს.

**ნანი კილასონია.**

ჩვენ ვცხოვრობთ ისეთ სამყაროში, სადაც თითოეული ადამიანი თავისებურ კვალს ტოვებს თავისი ცხოვრების წესით, პროფესიონალიზმით, განსწავლულობით...

განათლების სისტემაში უამრავი ცვლილებებია. სამინისტრო მეტად საჭირო და აუცილებელი საკითხების გადაჭრას ახორციელებს. საამისოდ მასწავლებლებს უდიდესი მისია აკისრიათ. მათი მიზანია, აღზარდონ თაობა, რომლებმაც მიზანმიმართულად აუწყონ ფენი ცხოვრების რიტმს, ჩაუნერგონ ისეთი უნარ-ჩვევები, რომელთა ღირებულებები აუცილებელია ცხოვრებაში გზის გასაკვალად. ასეთებისთვის წარმატებები ადვილად მო-

## მოგესალმებით, გილოცავთ!



გაზაფხული და მარტის დღესასწაულები ახალგაზრდობიდან მიყვარდა. დღესაც არ გამწელებია იმდროინდელი სიხარული. დღესაც მახსოვს გაზაფხულის საჩუქრების სილამაზე და იმ ადამიანების სიბოლო, რომლებიც მას მწუქნიდნენ-მშობლები, ახლობლები, მეუღლე...

უკვე თმებდათოვლილ, ასაკით დახუნძლულ ადამიანს წარსულის მოგონებები მათობს, მაგრამ მალეღებებს კიდეც.

85 წლის გახლავართ. 8 შვილის დედა, 11 შვილიშვილისა და 9 შვილთაშვილის ბებია. ეს მთელი ცხოვრებაა. მიუხედავად წელთა სიმრავლისა, დღესაც ამ დღეს ჩემთან მოდიან შვილები, მირეკავენ და მილოცავენ შვილიშვილები... მახარებს შვილთაშვილების, რძლების, სძიების მოლოცვები. ეს დიდი ბედნიერებაა. თავიანთი ყურადღებით, სიყვარულითა და სიბოლოთი მივსებენ მეუღლის ნაადრევად წასვლით გამოწვეულ სიცარიელეს.


მინდა ეს დღე უპირველესად ჩემს ქალიშვილებს, რძლებს და შვილიშვილებს მიუვლოცო. ამ დღესასწაულს გილოცავთ ჩემო საყვარელო მეზობლად

მცხოვრებო ქალბატონებო. დიდხანს ყოფილიყავით დედეები, ბებიები, დიდი ბებიები შვილებით, შვილიშვილებით, ბაღიშებით დახუნძლულები...

დაე, ლამაზი დღეები, მოლოცვები, უთვალავი წლები და სიხარული დაგებდებოდეთ. მეც მოვსწრებოდე საქართველოს გაბრწყინებულ მომავალს, გაერთიანებულ ჩემს ქვეყანას. ამას უფალსა და დედალვთისმშობელს ვთხოვ. მათი მაღლი გფარავდეთ სობელებო!

**თინა ხუფენია-მსაუბრა,**  
სოფელ პირველი მაისის მცხოვრები. მრავალშვილიანი დედა.

## კეთილშობილება მისი სსოვრების გვირგვინია



ნობის მუნიციპალიტეტის კულტურულ-საგანმანათლებლო საზოგადოებრივი ცენტრის ელექტრონიკოსი ვანო შეროზია მალალი პასუხისმგებლობის, ყოველმხრივ მოწესრიგებული, აკარგინი, გულმართალი პიროვნებააო, ასე გაგაცნობენ მას ხელმძღვანელები, მე კი დავამატებდი: ჩუმი და უპრეტენზიო, იუმორით დაჯილდოებული...

ერთხელ ბატონმა ბეჟან ნადარაიამ მითხრა, ბატონ ვანოსთან შეხვედრისას მწერლის გამონათქვამი მახსენდება, ვანო გამაღიზიანებლად პატიოსანი კაციაო. ე.ი. პატიოსანზე ზემადლო.

ბატონი ვანო საჯიჯაოელია, 40 წელი საჯიჯაოს ჩაის ფაბრიკის ელექტრონიკოსი ყოფილა, 8 წელია ნობის მუნიციპალიტეტის კულტურულ საგანმანათლებლო საზოგადოებრივი ცენტრის თანამშრომელია. გამორჩეული თვისებების მატარებელი, მეუღლის გარდაცვალების შემდეგაც ერთგულებით უწი-

ნამძღვრა ოჯახს, ორივე ვაჟი დააფრთიანა, გზაზე დააყენა, ამჟამად ბიჭების საზღვარგარეთ მუშაობის გამო, სამი შვილიშვილის და რძლის ღიდა ჩივადის გულგასახარად შრომობს ოქროსხელება კაცი და ცდილობს ოჯახს არაფერი მოაკლოს. ამჟამად თავისუფალ დროს ეზოში ტრიალებს, რგავს, ამყობს... გარშემოყოფთ ულაშაზებს ცხოვრებას.

გაზაფხულის ულაშაზესი თვის მარტის 15 რიცხვი მისი დაბადების დღეა. მინდა უდიდესი პატივისცემით, საუკეთესო

სო სურვილებით მივულოცო დაბადების დღე, დიდი ხნის ჯანმრთელი და ბედნიერი სიცოცხლე ვუსურვო.

სიმშვიდე და კეთილშობილება, ვანო შეროზიას ცხოვრების გვირგვინია. სწორედ ასეთი პატიოსანი და ნამუსიანი ადამიანები აძლიერებენ ჩვენს მუნიციპალიტეტს, ქვეყანას.

იღვებრძელო ბატონო ვანო, თქვენი შრომით გამოკემსილი ნამუსის ქუდით დიდხანს იყავით ოჯახის და ახლობლების იმედად.

**მერი ლაგვილავა.**



## გამომცემელი: ნობის მუნიციპალიტეტის კულტურულ-საგანმანათლებლო საზოგადოებრივი ცენტრი.

სარედაქციო კოლეგია: მერი ლაგვილავა, ნანი კილასონია, როზეტა შულაია, ბორის ბერაია, ბეჟან ნადარაია, ირაკლი შონია, თამთა ბუკია. კომპიუტერული უზრუნველყოფა- ჯულიეტა ლატარია. გაზეთი აეწყო და დაკაბადონდა ნობის მუნიციპალიტეტის კულტურულ-საგანმანათლებლო საზოგადოებრივ ცენტრში. ტელ: 0 (414) 22-21-31; 22-25-81; 599-50-40-57; 577 21-41-44.

ელ. ფოსტა: xobismoambe@mail.ru. დაიბეჭდა შ.პ.ს. გამომცემლობა „კოლორში“. თბილისი, რკინიგზის ჩიხი №20. გაზეთი ხელმძღვანელობს თავისუფალი პრესის პრინციპებით. გაზეთში დაბეჭდილი მასალის სიზუსტეზე პასუხისმგებელია ავტორი.

## სამადლოჯალი

რაც დრო გადის, ცხოვრება ახალ- ახალ „სიურპრიზებს“ გვიმზადებს. ასაკთან ერთად მატულობს საფიქრალ- საზრუნავი, ჩნდება ჯანმრთელობის პრობლემები, უფრო-დაუფრო გვეჭირდება სიბოლო და სიყვარული. არც მე ვარ გამონაკლისი. მიუხედავად ყველაფრისა, ასაკმა მეც დამატყო თავისი ხელი, შემერყა ჯანმრთელობა, მაგრამ ყოველდღე უფალს ვემადლიერები, რომ მხსნელად მომივლინა ექიმი კარდიოლოგი ქალბატონი ლეილა ბუკია და მედლა მაია კუკავა. ისინი ყოველ ვიზიტზე ცდილობენ ჩემი სიცოცხლის გახანგრძლივებას. მინაწილებენ სიბოლო, ერთი სიტყვით, იმედით მავსებენ, რაც დღემდე მაცოცხლებს. მინდა საქვეყნოდ ვუთხრა მათ სამადლოჯალი, მივულოცო გაზაფხულის დღესასწაულები, დიდი ხნის სიცოცხლე, უღვევი სიხარული და მაღლიერ პაციენტთა სიმრავლე ვუსურვო...

**ვერა ცხაღია,**  
პენსიონერი, ნოჯინევი.